#### 正阳真人钟离权云房序

道不可以言传,不可以名纪,历古以来,升仙达道者不为少矣。仆志慕前贤,心怀大道,不意运起刀兵,时危世乱,始以逃生,寄迹江湖岩谷,退而识性,留心惟在清净希夷。历看丹经,累参道友,止言养命之小端,不说真仙之大道。因于终南山石壁间,获收《灵宝经》三十卷:上部《金诰书》,元始所著;中部《玉书录》,元皇所述;下部《真源义》,太上所传:共数千言。予宵衣旰食,远虑深省,乃悟阴中有阳,阳中有阴,本天地升降之宜,气中生水,水中生气,亦心肾交合之理,比物之象,道不远人。配合甲庚,方验金丹有准;抽添卯酉,自然火候无差。红铅黑铅,彻底不成大药;金液玉液,到头方是还丹。从无入有,尝怀征战之心;自下升高,渐入希夷之域。抽铅汞,致二八之阴消;换骨炼形,使九三之阳长。水源清浊,辨于既济之时;内景真虚,识于坐忘之日。玄机奥旨,难以尽形方册;灵宝妙理,可用入圣超凡。总而为三乘之法,名《灵宝毕法》。大道圣言,不敢私于一己,用传洞宾足下,道成勿秘,当贻后来之士。

#### 上卷小乘安乐延年法四门

### 匹配阴阳第一

《玉书》曰: "大道无形,视听不可以见闻; 大道无名,度数不可以筹算。资道生形,因形立名,名之大者,天地也。天得乾道而积气以覆于下,地得坤道而托质以载于上,覆载之间,上下相去八万四千里。气质不能相交,天以乾索坤而还于地中,其阳负阴而上升; 地以坤索乾而还于天中,其阴抱阳而下降,一升一降运于道,所以天地长久。

《真源》曰:天地之间,亲乎上者为阳,自上而下四万二千里,乃曰阳位;亲乎下者为阴,自下而上四万二千里,乃曰阴位。既有形名,难逃度数,且一岁者,四时、八节、二十四气、七十二候、三百六十日、四千三百二十辰。十二辰为一日,五日为一候,三候为一气,三气为一节,二节为一时,四时为一岁。一岁以冬至节为始,是时也,地中阳升,凡一气十五日,上升七千里,三气为一节,一节四十五日,阳升共二万一千里,二节为一时,一时九十日,阳升共四万二千里,正到天地之中,而阳合阴位,是时阴中阳半,其气为温,而时当春分之节也。过此阳升而入阳位,方曰得气而升,亦如前四十五日立夏。立夏之后,四十五日夏至,夏至之节阳升,通前计八万四千里以到天,乃阳中有阳,其气热,积阳生阴,一阴生于二阳之中。自夏至之节为始,是时也

, 天中阴降, 凡一气十五日, 下降七千里, 三气为一节, 一节四十五日, 阴降 共二万一千里,二节为一时,一时九十日,阴降共四万二千里,以到天地之中 ,而阴交阳位,是时阳中阴半,共气为凉,而时当秋分之节也。过此阴降而入 阴位, 方曰得气而降, 亦如前四十五日立冬, 立冬之后, 四十五冬至, 冬至之 节阴降,通前计八万四千里以到地,乃阴中有阴,其气寒,积阴生阳,一阳生 于二阴之中。自冬至之后,一阳复生,如前运行不已,周而复始,不失于道。 冬至阳生,上升而还天,夏至阴生,下降而还地。夏至阳升到天,而一阴来至 , 冬至阴降到地, 而一阳来至, 故曰夏至、冬至。阳升于上, 过春分而入阳位 ,以离阴位,阴降于下,过秋分而入阴位,以离阳位,故曰春分、秋分。凡冬 至阳升之后,自上而下,非无阴降也,所降之阴乃阳中之馀阴,止于阳位中消 散而已,纵使下降得位,与阳升相遇,其气绝矣;凡夏至阴降之后,自下而上 , 非无阳升也, 所升之阳乃阴中之馀阳, 止于阴位中消散而已, 纵使上升得位 , 与阴降相遇, 其气绝矣。阴阳升降, 上下不出于八万四千里, 往来难逃于三 百六十日,即温凉寒热之四气而识阴阳,即阳升阴降之八节而知天地。以天机 测之,庶达天道之绪馀。若以口耳之学,较量于天地之道,安得筹算而知之乎 ?

《比喻》曰: 道生万物,天地乃物中之大者,人为物中之灵者。别求于道,人同天地,以心比天,以肾比地,肝为阳位,肺为阴位。心肾相去八寸四分,其天地覆载之间比也。气比阳而液比阴。子午之时,比夏至、冬至之节;卯酉之时,比春分、秋分之节。以一日比一年。以一日用八卦,时比八节,子时肾中气生,卯时气到肝,肝为阳,其气旺,阳升以入阳位,春分之比也,午时气到心,积气生液,夏至阳升到天而阴生之比也;午时心中液生,酉时液到肺,肺为阴,其液盛,阴降以入阴位,秋分之比也,子时液到肾,积液生气,冬至阴降到地而阳生之比也。周而复始,日月循环,无损无亏,自可延年。

《真诀》曰:天地之道一得之,惟人也,受形于父母,形中生形,去道愈远。自胎元气足之后,六欲七情,耗散元阳,走失真炁,虽有自然之气液相生,亦不得如天地之升降,且一呼元气出,一吸元气入,接天地之气,既入不能留之,随呼而复出,本宫之气,反为天地夺之,是以气散难生液,液少难生气。当其气旺之时,日用钌卦,而于气也,多入少出,强留在腹,当时自下而升者不出,自外而入者暂住,二气相合,积而生五脏之液,还元愈多,积日累功,见验方止。

《道要》曰: 欲见阳公长子,须是多入少出。从他儿女相争,过时求取真的。

此乃积气生液,积液生气,匹配气液相生之法也。行持不过一年,夺功以

一岁三百日为期。旬日见验,进得饮食,而疾病消除,头目清利,而心腹空快,多力少倦,腹中时闻风雷之声,馀验不可胜纪。

解曰:阳公长子者,乾索于坤,如气升而上也。儿日气,自肾中升;女是液,自心中降。相争,儿女上下之故。闭气而生液,积液而生气,匹配两停,过时自得真水也

真解曰:此乃下手之初,于卯卦阳升气旺之时,多吸天地之正气以入,少呼自己之元气以出,使二气相合,气积而生液,液多而生气,乃匹配阴阳,气液相生之法也。

### 聚散水火第二

《金诰》曰:所谓大道者,高而无上,引而仰观,其上无上,莫见其首;所谓大道者,卑而无下,俛而俯察,其下无下,莫见其基。始而无先,莫见其前;终而无尽,莫见其后。大道之中而生天地,天地有高下之仪;天地之中而有阴阳,阴阳有始终之数。一上一下,仰观俯察,可以测其机;一始一终,度数推算,可以得其理。以此推之,大道可知也。

《真源》曰:即天地上下之位,而知天地之高卑;即阴阳终始之期,而知 天道之前后。天地不离于数,数终于一岁;阴阳不失其宜,宜分于八节。科至 一阳生,春分阴中阳半,过此纯阳而阴尽,夏至阳太极而一阴生,秋分阳中阴 半,过此纯阴而阳尽,冬至阴太极而一阳生,升降如前,上下终始,虽不能全 尽大道,而不失大道之本,欲识大道,当取法于天地,而审于阴阳之宜也。

《比喻》曰:以心肾比天地,以气液比阴阳,以一日比一年。日用艮卦比一年,用立春之节,乾卦比一年,用立冬之节。天地之中,亲乎下者为阴,自下而上四万二千里,乃曰阴位,冬至阳生而上升,时当立春,阳升于阴位之中二万一千里,是阳难胜于阴也;天地之中,亲乎上者为阳,自上而下四万二千里,乃曰阳位,夏至阴生而下降,时当立秋,阴降于阳位之中二万一千里,是阴难胜于阳也。时当立夏,阳升而上,离地六万三千里,去天二万一千里,是阳得位而阴绝也;时当立冬,阴降而下,离天六万三千里,去地二万一千里,是阴得位而阳绝也。一年之中,立春比一日之时,艮卦也,肾气下传膀胱,在液中微弱,乃阳气难升之时也;一年之中,立冬比一日之时,乾卦也,心液下入,将欲还元,复入肾中,乃阴盛阳绝之时也。人之致病者,惟阴阳不和,阳微阴多,故病多。

《真诀》曰:阳升立春,自下而上,不日而阴中阳半矣;阴降立冬,自上而下,不日而阳中阴半矣。天地之道如是,惟人也,当退卦气微,不知养气之端,乾卦气散,不知聚气之理,日夕以六欲七情耗散元阳,使真气不旺,走失真气,使真液不生,所以不得如天地之长久,故古人朝屯幕蒙,日用二卦,乃

得长生在世。朝屯者,盖取一阳在下,屈而未伸之义,其在我者,养而伸之,勿使耗散;幕蒙者,盖取童蒙求我,以就明弃暗,乃阴间求阳之义,其在我者,昧而明之,勿使走失。是以日出当用艮卦之时,以养元气,勿以利名动其心,勿以好恶介其意,当披衣静坐,以养其气,绝念忘情,微作导引,手脚递互伸缩三五下,使四体之气齐生,内保元气上升,以朝于心府,或咽津一两口,搓摩头面三二十次,河出终夜壅聚恶浊之气,久而色泽弃美,肌肤光润。又于日入当用乾卦之时,以聚元气,当入室静坐,咽气搐外肾,咽气者是纳心火于下,搐外肾者是收膀胱之气于内。使上下相合肾气之火,三火聚而为一,以补暖下田,无液则聚气生液,有液则炬液生气,名曰聚火,又曰太乙含真气也。早朝咽津摩面,手足递第一线伸缩,名曰散火,又名曰小炼形也。

《道要》曰:花残叶落深秋,玉人懒上危楼。欲得君民和会,当时宴罢频收。

此纳心气而收膀胱气,不令耗散,而相合肾气,以接坎卦气海中新生之气 也。必以立冬为首,见验方止,行持不过一年,夺功以一岁三百日为期。旬日 见验,容颜光泽,肌肤充悦,下田温暖,小便减省,四体轻健,精神清爽,痼 疾宿病,尽皆消除。如惜岁月,不倦行持,只于匹配阴阳功内,稍似见验,叙 入此功,日用添入艮卦,略行此法,乾卦三元用事,应验方止。

解曰:花残叶落深秋者,如人气弱,日幕之光,阳气散而不升,故曰"懒上危楼"。楼者,十二重楼也。心为君火,膀胱民火,咽气搐外肾,使心与外肾气聚而为一,故曰"和会"。宴乃咽也,收乃搐也。早晨功不绝者,此法为主本也。

真解曰: 艮卦阳气微,故微作导引伸缩,咽津摩面,而散火于四体,以养元气。乾卦阳气散,故咽心气,搐外肾,以合肾气,使三火聚而为一,以聚元气,故曰"聚散水火",使根厚牢固也。

# 交媾龙虎第三

《金诰》曰:太元初判而有太始,太始之中而有太无,太无之中而有太虚,太虚之中而有太空,太空之中而有太质,太质者,天地清浊之质也。其质如卵而玄黄之色,乃太空之中一物而已。阳升到天,太极而生阴,以窈冥抱阳而下降;阴降到地,太极而生阳,以恍惚负阴而上升。一程式一降,阴降阳升,天地行道,万物生成。

《真源》曰:天如覆盆,阳到难升;地如磐石,阴到难入。冬至而地中阳升,夏至到天,其阳太极而阴生,所以阴生者,以阳自阴中来,而起于地,恍恍惚惚,气中有水,其水无形,夏至到天,积气成水,是曰"阳太极而阴生"也;夏至而天中阴降,冬至到地,其阴太极而阳生,所以阳生者,以阴自阳

中来,而出于天,杳杳冥冥,水中有气,其气无形,冬至到地,积水生气,是曰"阴太极而阳生"也。

《比喻》曰:以身外比太空,以心肾比天地,以气液比阴阳,以子午比冬夏。子时乃曰坎卦,肾中气生;午时乃曰离卦,心中液生。肾气到心,肾气与心气相合,而太极生液,所以生液者,以气自肾中来,气中有真水,其水无形,离卦到心,接著心气,则太极而生液者如此;心液到肾,心液与肾水相合,而太极复生于气,所以生气者,以液自心中来,液中有真气,其气无形,坎卦到肾,接著肾水,则太极而生气者如此。可比阳升阴降,至太极而相生,所生之阴阳,阳中藏水、阴中藏气也。

《真诀》曰:肾中生气,气中有真水;心中生液,液中有真气。真水真气,乃真龙真虎也。阳到天而难升,太极生阴;阴到地而难入,太极生阳:天地之理如此。人不得比天地者,六欲七情,感物丧志,而耗散元阳,走失真气。当了卦肾气到心,神识内定,鼻息少入迟出,绵绵若存,而津满口咽下,自然肾气与心气相合,太极生液;及坎卦心液到肾,接著肾水,自然心液与肾气相合,太极生气。以真气恋液,真水恋气,本自相合,故液中有真气,气中有真水,互相交合,相恋而下,名曰交媾龙虎。若火候无差,抽添合宜,三百日养就真胎,而成大药,乃炼质焚身,朝元超脱之本也。

《道要》曰:一气初回元运,真阳欲到离宫,捉取真龙真虎,玉池春水溶溶。

此恐泄元气而走真水于身外也。气散难生液,液少而无真气,气水不交,安成大药?当此年中用月,以冬至为始,日中用时,以离卦为期。或以晚年奉道,根元不固,自度虚损而气不足之后,十年之损,一年用功补之,名曰采补还丹。补之过数,止行此法,名曰水火既济可以延年益寿,乃曰人仙,功验不可备纪。若补数足,而口生甘津,心境自除,情欲不动,百骸无病,而神光暗中自现,双目时若惊电。以冬至日为始,谨节用法,三百日脱其真胎,名曰胎仙。

解曰:在外午时为离卦,太阳为真阳,在人心为离宫,元阳为真龙也。真虎乃肾气中之水,真龙乃心液中之气,口为玉池,津为春水。

直解曰:一气初回元运,以冬至为始,即子月也。真阳欲到离宫,以离卦为期,即午时也。真龙者,心液中之气;真虎者,肾气中之水。气水相合,乃曰龙虎交媾也。

### 烧炼丹药第四

《金诰》曰:天地者,大道之形;阴阳者,大道之气。寒热温凉,形中有气也;云雾雨露,气中有象也。地气上升,腾而为云,散而为雨;天气下降

,散而为雾,凝而为露。积阴过则露为雨、为霜、为雪,积阳过则雾为烟、为云、为霞。阴中伏阳,阳气不升,击搏而生雷霆;阳中伏阴,阴气不降,凝固而生雹霰。阴阳不谐合,相对而生闪电;阴阳不匹配,乱交而生虹霓。积真阳以成神,而丽乎天者星辰;积真阴以成形,而壮乎地者土石。星辰之大者日月,土石之贵者金玉,阴阳见于有形,上之日月、下之金玉也。

《真源》曰: 阴不得阳不生,阳不得阴不成。积阳而神丽乎天,而大者日 月也,日月乃真阳,而得真阴以相成也; 积阴而形壮于地,而贵者金玉也,金 玉乃真阴,而得真阳以相生也。

《比喻》曰:真阳比心液中真气,真阴比肾气中真水。真水不得真气不生,真气不得真水不成。真水真气,比于离卦,和合于心上肺下,如子母之相恋,夫妇之相爱。自离至兑,兑卦阴旺阳弱之时,比日月之下弦,金玉之在晦,不可用也。日月以阴成阳,数足生明;金玉以阳生阴,气足成宝。金玉成宝者,盖以气足而进之以阳;日月生明者,盖以数足而受之以魂。比于乾卦进火,炼阳无衰,火以加数,而阳长生也。

《真诀》曰:离卦龙虎交媾,名曰采药。时到乾卦,气液将欲还元,而生膀胱之上,脾胃之下,肾之前,脐之后,肝之左,肺之右,小肠之右,大肠之左。当时脾气旺而肺气盛,心气绝而肝气弱,真气本以阳气相合而来,阳气既弱,而真气无所恋,徒劳用工。百采合必于此时,神识内守,鼻息绵绵,以肚腹微胁,脐肾觉热太甚,微放轻勒,腹脐未热,紧勒,渐热即守常,任意放志,以满乾坤,乃曰勒阳关而炼丹药。使气不上行,以固真水,经脾宫,随呼吸而搬运于命府黄庭之中。气液造化时,变而为精,精变而为珠,珠变而为汞,汞变而为砂,砂变而为金,乃曰金丹,其功不小矣。

《道要》曰:采药须凭玉兔,成亲必藉黄婆。等到雍州相见,奏传一曲阳歌。

此乃与采药日用对行,凡以晚年补完十损一补之功,此法名曰炼汞补丹田。补之数足,止于日用离卦采药,乾卦烧炼勒阳关。春冬多采少炼,乾一而离二,倍用功也;秋夏少采多炼,离一而乾二,倍用功也。随年月气旺,采炼之功效在前,可延年住世而为人仙。若以补数既足,见验进功,亦谨节用功。采药一百日药力全,二百日圣胎坚,三百日真气生而胎仙完。凡药力全而后进火加数,乃曰火候;凡圣胎坚后,火候加至小周天数,乃曰小周天;凡胎圆真气生,火候加至大周天数,乃曰周天火候。采药而交媾龙虎,炼药而进火,方为入道,当绝迹幽居,心存内观,内境不出,外境不入,如妇之养孕,龙之养珠,虽饮食寤寐之间,语默如婴儿,举止如室女,犹恐有失有损,心不可暂离于道也。

解曰: 药是心中真气,兔是肾中真水,黄婆是脾中真液,和合气水而入黄庭。雍州,乾卦。勒阳关,胁腹也。

右小乘法四门, 系人仙。

### 中卷中乘长生不死法三门

肘后飞金晶第五

《金诰》曰: 阴阳升降,不出天地之内,日月运转,而在天地之外。东西出没,以分昼夜; 南北往来,以定寒暑。昼夜不息,寒暑相推,积日为月,积月为岁。月之积日者,以其魄中藏魂、魂中藏魄也; 岁之积月者,以其律中起吕、吕中起律也。日月运行,以合天地之机,不离乾坤之数,万物生成虽在于阴阳,而造化亦资于日用。

《真源》曰: 天地之形, 其状如卵, 六合之内, 其圆如球。日月出没, 运 行于一天之上,一地之下,上下东西,周行如飞轮。东生西没,日行阳道,西 生东没, 月行阴道, 一日之间, 而分昼夜。冬至之后, 日出自南而北, 夏至之 后,日出自北而南,冬之夜乃夏之日,夏之夜乃冬之日,一年之间,崦定寒暑 。日月之状,方圆八百四十里,四尺为一步,三百六十步为一里。凡八刻二十 分为一时,十二时为一日,一月三十日,共三百六十时,计三千刻,一十八万 分也。且以阳行乾, 其数用九, 阴行坤, 其数用六。魄中魂生, 本自旦日, 盖 九不对六,故三日后魄中生魂。凡一昼夜,一百刻六十分,魂于魄中一进七十 里, 六昼夜, 进四百二十里, 而魄中魂半, 乃曰上弦。又六昼夜, 进四百二十 里,通前共进八百四十里,而魄中魂全,阳满阴位,乃曰月望。自十六日为始 , 魂中生魄, 凡一昼夜, 一百刻六十分, 魄于魂中一进七十里, 六昼夜, 共进 四百二十里, 而魂中魄半, 乃曰下弦。又六昼夜, 进四百二十里, 通前共进八 百四十里,而魂中魄全,阴满阳位,月中尚有馀光者,盖六不尽九,故三日后 月魄满宫,乃曰月晦。月旦之后,六中起九,月晦之前,九中起六,数有未尽 , 而生后有期, 积日为月, 积月为岁。以月言之。六律六吕, 以六起数, 数尽 六位, 六六三十六, 阴之成数也; 以日言之, 五日一候, 七十二候, 八九之数 , 至重九以九起数, 数尽六位, 六九五十四, 阳之成数也。一六一九, 合而十 五,十五,一气之数也,二十四气当八节之用,而见阴阳升降之宜。一六一九 ,以四为用,合四时而倍之,一时得九十,四九三百六,变为阳之数二百一十 六, 阴之数一百四十四, 计三百六十数, 而足满周天。

《比喻》曰: 阴阳升降在天地之内, 比心肾气液交合之法也; 日月运转在

天地之外,比肘后飞金晶之事也;日月交合,比进火加减之法也。阳升阴降,无异于日月之魂魄;日往月来,无异于心肾之气液。冬至之后,日出乙位,没庚位,昼四十刻,自南而北,凡九日东生西没,共进六十分,至春分昼夜停停,而夏至为期,昼六十刻;夏至之后,日出甲位,没辛位,昼六十刻,自北而南,凡九日东生西没,共退六十分,至秋分昼夜停停、而冬至为期,昼四十刻。昼夜分刻,准前后进退,自南而北,月旦之后,三日魂生于魄,六日两停,又六日魂全,其数用九也;月望之后,魄生于魂,六日两停,又六日魄全,其数用六也。岁之夏至,月之十六日,乃日用离卦之法,人之午时也;岁之冬至,月之旦日,乃日用坎卦之法,人之子时也。天地阴阳升降之宜,日月魂魄往来之理,尚以数推之,交合有序,运转无差,人之心肾气液、肝肺魂魄,日用虽有节次,年月岂无加减乎?

《真诀》曰: 坎卦阳生, 当正子时, 非始非终, 艮卦肾气交肝气。未交之 前,静室中披衣握因盘膝,蹲下腹肝,须臾升身,前出胸而微偃头于后,后闭 夹脊双关,肘后微扇一二,伸腰,自尾癌穴,如火相似,自腰而起,拥在夹脊 ,慎勿开关,即时甚热气壮,渐次开夹脊关,放气过关,仍仰面脑后紧偃,以 闭上关, 慎勿开之, 即觉热极气壮, 渐次开关入顶, 以补泥丸髓海, 须身耐寒 暑,方为长生之基。次用还丹之法,如前出胸伸腰,闭夹脊,蹲而伸之,腰间 火不起, 当静坐内观, 如法再作, 以火起为度, 自丑行之, 至寅终而可止, 乃 曰肘后飞金晶, 又曰抽铅, 使肾中气生肝气也。且人身脊骨二十四节, 自下而 上三节,与内肾相对,自上而下三节,名曰天柱,天柱之上,名曰玉京,天柱 之下,内肾相对,尾闾穴之上,共十八节,其中曰双关,上九下九,当定一百 日,遍通十八节而入泥丸,必于正一阳时,坎卦行持,乃曰肘后飞金晶,离卦 采药,乾卦进火烧药,勒阳关,始一百日飞金晶入脑,三关一撞,直入上宫泥 丸,自坎卦为始,至艮卦方止。自离卦采药,使心肾气相合,而肝气自生心气 ,二气纯阳,二八阴消,薰薰于肺,而得肺液下降,包含真气,日得黍米之大 , 而入黄庭, 方曰内丹之材, 即百日无差药力全。凡离卦采药用法, 依时内观 ,转加精细,若乾卦进火烧药,勒阳关,自兑卦为始,终在乾卦,如此又一百 日, 肘后飞金晶, 自坎卦至震卦方止, 离卦采药之时, 法如旧以配, 自坤至乾 卦行持,即二百日无差圣胎坚。勒阳关法,自坤卦至乾卦方止,如此又一百日 足、泥丸充实、返老还童、不类常人、采药就、胎仙完、而真气生、形若弹圆 , 色同朱橘, 永镇丹田, 而作陆地神仙。三百日后行持, 至离卦罢采药, 坤卦 罢勒阳关,即行玉液还丹之道,故自冬至后,方曰行功,三百日胎完气足,而 内丹就,真气生。凡行此法,方为五行颠倒,三田返覆。未行功以前,先要匹 配阴阳, 使气液相生, 见验方止; 次要聚散水火, 使根源牢固, 而气行液住

,见验方止;次要交媾龙虎,烧炼丹药,使采补还丹,而煅炼铅汞,见验方止。十损一补之数足,而气液相生,见验方止。上项行持,乃小乘之法,自可延年益寿。若以补完坚固,见验方止,方可年中择月,冬至之节,月中择日,甲子之日,日中择时,坎、离、乾卦三时为始,一百日自坎至艮,自兑至乾,二百日后,自坎至震,自坤至乾。凡此下功,必于幽室静宅之中,远妇人女子,使鸡犬不闻声,臭秽不入鼻,五味不入口,绝七情六欲,饮食多少,寒热有度,虽寐寐之间,而意恐损失。行功不勤,难成乎道。如是三百日,看应验如何。

真解曰:此乃三元用法;谓坎卦飞金晶;下田返上田也;离卦采药,下田返中田也,乾卦勒阳关,中由返下由也。亦曰三田返覆。

《道要》曰: 日月并行复卦, 蹲升数日开关。贪缶扬扬州聚会, 六宫火满金田。

解曰: 日月并行复卦者,一阳生时;在日为子时,在年为冬至也,所谓月中择日、日中择时也。蹲升,说巳在前。数日,是定一百日。开关,是先开中关,次开上关。贪向扬州聚会,扬州者,在人为心,在日为午时,在卦为离。聚会者,真阴真阳交横,故日采药。乾为六官,火是气也。勒阳关而聚气,以肺气为金,而下肾之丹田,故曰"火满金田",乃行乾卦而勒阳关,聚火下丹田也。

直解曰: 日月并行复卦者,冬至甲子时也。蹲升数日开关者,蹲腹升身以起火,至百日开关也。此乃自坎至良,飞金晶之法。扬州聚会者,离卦采药交阴阳也。六宫火满丹田,则乾卦勒阳关,聚肺气于下田,自兑至乾者也。

终南路上逢山,升身频过三关。贪向扬州聚会,争如少女烧天。

解曰:终南者,圣人隐意在中男也,中男即坎卦。良为山,山是势,飞金晶至巽卦方止,第二百日下功之时也。升身频过三关、贪向扬州聚会,说已在前。争如少女烧天者,少女是兑卦也,勒阳关至乾卦而方止也。

兖克州行到徐州, 起来走损车牛。为恋九州欢会, 西南火入雍州。

解曰:艮州,艮卦;徐州,巽卦。自艮卦飞金晶,至巽卦方止也。起来走损车牛,车为阳,牛为阴,"是夹脊一气飞入泥丸也。九州,在人为心,在日为午时,与前来药园也。西南,坤卦也。雍州,乾卦也。勒阳关,自坤至乾方止,第三百日下功之时也。

直解曰:此乃第三百日之功,飞金晶之法,起艮而止巽也。九州欢会,采药如前。勒阳关;则自坤至乾酉止也。

此是日用事,乃日三元用法。飞金晶入脑,下田返上田;采药,下田返中田;烧药进火,中田返下田:乃曰三元用事。中乘之法,已是地仙,见验方止

。始觉梦寐多有惊悸,四肢六腑有疾,不疗自愈,闭目暗室中,圆光如盖,周 匝围身,金关玉锁,封固坚牢,绝梦泄遗漏,雷鸣一声,关节气通,梦寐若抱 婴儿归,或若飞腾自在,八邪之气不能入,心境自除,以绝情欲,内观则朗而 不昧,昼则神采清秀,夜则丹田自暖,上件皆是得药之验。改既正当,谨节用 功,以前法加添三百日胎仙圆,胎圆之后,方用后功。

玉液还丹第六附玉液炼形

《玉书》曰:真阴真阳,相生相成;见于上者,积阳成神,神中有形而丽乎天者,日月也;见于下者,积阴成形,形中有形而丽平地者,金玉也。金玉之质;隐于山川秀媚之气,浮之于上,与日月交光,草木受之以为祯祥,鸟兽得之以为异类。

《真源》曰:阳升到天,太极生阴,阴不足而阳有徐,所以积阳生神;阴降到地,太极生阳,阳不足而阴有馀,所以积阴生形。上之日月,下之金玉,真阳有神,真阴有形,其气相交,而上下相射,光盈天地,则金玉可贵者,良以此也。是知金玉之气凝于空,则为瑞气祥烟,入于地;则变醴泉芝草,人民受之而为英杰,鸟兽得之而生奇异。盖金玉之质,虽产于积阴之形;而中抱真阳之气,又感积阳成神之日月,真阳之下射而宝凝矣。

《比喻》曰:积阴成形,而内抱真阳,以为金玉,比为金玉,比于积药而抱真气,以为胎仙也。金玉之气入于地,而为醴泉芝草者,比于玉液还丹田也。金玉之气凝于空,而为瑞气样烟者,比于气炼形质也。凡金玉之气冲于天,随阳升而起,凡金玉之气入于地,随阴降而还,既随阴阳升降,自有四时,可以液还丹田,气炼形质,比于四时加减,一日改移也

《真诀》曰: 采补见验,年中择月; 月中择日,日中择时,三时用事,一百日药力全,二百日圣胎坚,三百日真气生,胎仙圆。谨节用功,加添依时,三百日数足之后,方行还丹炼形之法。凡用艮卦飞金晶入脑,止于巽卦而白,此言飞金晶三百日后也。离封罢采药,坤卦罢勒阳关,只此兑卦下手,勒阳关,至乾封方止。既罢离卦,添入咽法炼形。咽法者,以舌搅上腭两凳之间,先咽了恶浊之津,次退舌尖以满玉池,津生不漱而咽。凡春三月,肝气旺而脾气弱,咽法日用离卦; 凡耀三月,心气旺而肺气弱,咽法日用巽卦; 凡秋三月,肺气旺而胖气弱;咽法日用艮卦; 凡冬三月,肾气旺而心气弱。咽法日用震卦,凡四季之月,脾气旺而肾气弱,人以肾气为根源,四时皆有衷弱,每四时季月之后十八日,咽法日用兑封,仍与前咽法并用之;独于秋季止用兑卦咽法,而罢艮卦之功。以上咽法,先依前法而咽之。如牙齿玉池之间而津不生,但以舌满上下而闭玉池、收两颌,以虚咽而为法,止于咽气,气中自有水也。咽气如一年,三十六次至四十九次为数; 又次一年,八十一次; 又次一年

,一百八十一次为见验:乃主液还丹之法。行持不过三年;灌溉丹田,沐浴胎仙,而真气愈盛。若行此,玉液还丹之法,而于三百日养就内丹,真气才生,艮卦飞金晶,一撞三关,上至泥丸,当行金掖还丹之法自顶中前下金水一注,下还黄庭,变金成丹,名曰金丹。行金液还丹,当于深密幽房,风日凡人不到之处,烧香,叠掌盘膝坐,以体蹲而后升,才觉火起,正坐绝念,忘情内观,的确艮卦飞金晶入顶,但略昂头偃项,放令颈下如火,方点头向前,低头曲项;退舌央进后以抵上腭,上有清治之水,味若甘香,上彻项门,下遗百脉,鼻中自闻一种真香,舌上亦有奇味;不漱而咽,下还黄庭,名曰金液还丹。春夏秋冬,不拘时候,但于飞金晶入脑之后,节次行此法,自艮至巽而已;晚间勒阳关法,自兑至乾而已。凡行此法,谨节胜前,方可得成,究竟止于炼形住世,长生不死而已,不能超脱也。

《道要》曰: 识取五行根蒂,方知春夏冬秋。时饮琼浆数盏,醉归月殿邀游。

解曰: 识取五行根蒂者,为倒五行相生相克,而用卦时不同,以行咽法。方知春夏冬秋,改移有时候也。琼浆,玉液也。月殿,丹田也。醉归,咽多也。

东望扶桑未晓,后升前咽无休。骤马邀游宇宙,长男只到扬州。

解曰: 东望扶桑未晓者,日未出,艮卦之时也。后升,飞金晶也。前咽,玉液还丹也。骤马,起火,玉液炼形也。邀游宇宙,遍满四肢也。长男,震卦也。只到扬州,离卦也。玉浓炼形,自震卦为始,至离卦方止也。

直解曰:玉液,肾液也,上升到心,三气相合而过重楼,则津满玉池,谓之玉液。若咽之,自中田而入下田,则曰还丹:若升之,自中田而入四肢,则日炼形,其实一物而已。此系来药三百日数足胎圆,而飞金晶减一卦,勒阳关如旧,罢采药,添入咽法,咽法随四时而已。此系炼形法,用卦后,添入炼形,自震卦为始,离卦为期,不限年月日,见验方止,体色光泽,神气秀媚,渐畏腥秽以冲口腹,凡情凡爱心境自除,真气将足而似常饱,所合不多,饮酒无量,尘骨已更而变神识,步趋走马,其行如飞,目如点漆,体若凝脂,绀发再生,皱脸重舒,老去永驻童颜,仰视百步而见秋毫,身体之间,旧痕残,自然消除,涕泪涎汗,亦不见有,圣丹生味,灵液透香,口鼻之间,常有真香奇味,漱津成酥,可以疗,人疾病,遍体皆成白膏,上件皆玉液还丹炼形之验。见验即止,当谨节用功,依法随时,而行后事。

金液还丹第七附金液炼形

《金诰》曰:积阳成神,神中有形,形生于日,日生于月;积阴成形,形中有神,神生于金,金生于玉。随阴阳而生没者,日月之光也,因数生光,数

- 11 -

本于乾坤; 随阴阳而升降者, 金玉之气也, 因时起气, 时本于天地。

《真源》曰: 日月之光, 旦后用九, 晦前用六, 六九乾坤之数; 金玉之气, 春夏上升, 秋冬下降, 升降天地之时。金生于玉, 玉生于石, 石生于土, 见于形而在下者如此; 中金乌, 月中玉兔, 月待日魂而光, 见于神而在上者如此。

《比喻》曰: 日月,比气也,肾气比月,而心气比日;金玉,比液也,肾液比金,而心液比玉。所谓玉液者,本自肾气上升而到于心,以合心气,二气相交而过重楼,闭口不出而津满玉池,咽之而曰玉液还丹,升之而曰玉液炼形。是液本自肾中来而生于心,亦比土中生石、石中生玉之说也。所谓金液者,肾气合心气而不上升,薰蒸于肺,肺为华益,下罩二气,即日而取肺液,在下田自尾闾穴升上,乃曰飞金晶入脑中,以补泥丸之宫,自上复下降而入下田,乃曰金液还丹,既还下田复升,遍满四体,前复上升,乃曰金液炼形,是亦金生于土之说也。凡欲炼形飞金晶者,当在静室中,切禁风日,遥焚香,密启三清上圣: "臣所愿长生在世,传行大道,演化告人,当先自行炼形之法,欲得不畏寒暑,绝淡谷食,逃于阴阳之外。"咒毕,乃咽之。

《真诀》曰:背后尾闻穴曰下关,夹脊曰中关,脑后曰上关。始飞金晶以通三关,肾比地,心比天,上到顶以比九天。玉液炼形,自心至顶以通九天。三百日大药就,胎仙圆,而真气生,前起则行玉液炼形之旧道,后起则行飞金晶之旧道,金晶玉液,行功,见验,自坎卦为始,后起一升入顶,以双手微闭双耳,内观如法,微咽于津,乃以舌抵定牙关,下闭玉池,以待上腭之津下而方咽,咽毕复起,至良封为期。春冬两起一咽,秋夏五起一咽,凡一咽数,秋夏不过五十数,春冬不过百数。自后咽罢升身前起,以满头面、四肢、五指,气盛方止,再起再升,至离卦为期。凡此后起咽津,乃曰金液还丹,还丹之后而复前起,乃曰金液炼形。自艮卦之后,炼形至离卦方止,兑卦勒阳关,至乾封方止,以后起到顶,自上而下,号曰金液还丹,金丹之气前起,自下而上,号曰金液炼形,形显琪树金花。若以金液还丹,未到下元而前后俱起,乃曰火起焚身。此是金液还丹炼形,既前后俱起,兼了焚身。凡行此等,切须谨节苦志而无懈怠,以见验为度也。

《道要》曰:起后终宵闭耳,随时对饮金液。宴到青州方住,日西又听阳歌。

解曰:起后终宵闭耳者,为行金液还丹,须是肘后飞金晶,一撞三关,其气才起,急须双手闭耳,耳是肾波之门,恐泄肾气于外,而不入脑中也。随时对钦金波者,既觉气入脑中,即便依前法,点头曲项,退舌尖近抵上腭,请甘之水,有奇异之验,甘若蜜味之甜也。当艮卦飞金晶一咽,至震卦方止。青州

,震卦也。日西, 兑卦也。又听阳歌者, 自兑势勒阳关, 直到乾卦, 不必采药也。

饮罢终宵火起, 前升后举焚身。虽是不拘年月, 日中自有乾

解曰:此一诀是金液炼形之法也。饮罢终宵火起者,依前法金液还丹;"而艮卦炼形是起火也。前升后举,飞金晶而起火也。凡玉液炼形之法,先后起金晶入顶,次还丹而复前升之以炼形,是比金液炼形之法不同也。当其飞金晶而起火入顶,便前起而炼形,前后俱起,名日焚身,火起而行还丹,须依四时加减之数行之。此法不拘年月日时,但以谨节专一,幽居绝迹可也。日中自有乾坤,盖午前烧乾,午后烧坤,以人身前后言之,肚腹为坤,而背后为乾。午前烧乾者,为肘后飞金晶,前起炼形也;午后烧坤者,自兑卦勒阳关,至乾却方止也。

直解曰:金液,肺液也。含龙虎而入下田,则大药将成,谓之金液;肘后抽之入脑,自上复降下田,则日还丹;又复前升,遍满四体,自下而上,则日炼形,亦谓之炼形成气。此须于玉液还丹炼形见验,正当以谨节幽居焚香而行此法。金液还丹而相次炼形勒阳关,如是一年外,方得焚身,焚身即是坎卦前炼形。以人身前后言之,肚腹为坤,背后为乾,焚身午前烧乾为金晶,午后烧坤勒阳关。凡烧乾自下而上,前后俱起,冬夏三日或五日,而行既济之法,以防太过,使金丹之有润,乃焚身起火中咽也,见验方止,内志清高以合太虚,魂神不游以绝梦寐,阳精成体;神府坚固,四时不畏寒暑,神采变移容仪,常人对面,虽彼富贵之徒,亦闻腥秽,益其几骨俗体也。功行满足。密授三谙真阳阳变化,人事灾福,神灵皆能预知,触目尘凡,心绝万境,宾气充满,口绝饮仑,异气透出金色,仙肌可比玉蕊,去留之处,当所神抵自来相见,驱用招呼,一如己意,真气纯阳,可干外汞。上件皆金液还丹之后,金液炼形之验也。

右中乘三门, 系地仙。

# 下卷大乘超凡入圣法三门

朝元炼气第八

《金诰》曰:一气初判,大道有形而列二进制仪,二仪定位,大道有名而分五帝。五帝异地,各守一方,五方异气,各守一子。青帝之子,甲乙受之,天真木德之九炁;赤帝之子,丙丁受之,天真火德之三炁;白帝之子,庚辛受之,天真金德之七炁;黑帝之子,壬癸受之,天真水德之五炁;黄帝之子

,戊己受之,天真土德之一炁。自一炁生真一,真一因土出,故万物生成在土 ,五行生成在一。真元之道,皆一炁而生也。

《玉书》曰:一三五七九,道之分而有数;金木水火土,道之变而有象;东西南北中,道之列而有位;青白赤黄黑,道之散而有质。数归于无数,象反于无象,位至于无位,质还于无质。欲道之无数,不分之则无数矣欲道之无象,不变之则无象矣;欲道无无位,不列之则无位矣;欲道之无质,不散之则无质矣。无数,道之源也;无象,道之本也;无位,道之真也;无质,道之妙也。

《真源》曰: 道源既判,降本流末。悟其真者,因真修真,内真而外真自应矣; 识其妙者,因妙造妙,内妙而外妙自应矣。天地得道之真,其真未应,故未免乎有位; 天地得道之妙,其妙未应,故未免乎有质。有质则有象可求,有位则有数可推。天地之间,万物之内,最贵惟人,即天地之有象可求,故知其质气与水也,即天地之有数可推,故知其位远与近也,审乎如是,而道亦不远于人也。《比喻》曰: 天地有五帝,比人之有五脏也。育帝甲乙木,甲为阳,乙为阴,比肝之气与液也; 黑帝壬癸水,壬为阳,癸为阴,比肾之气与液也; 黄帝戊己土,戊为阳,己为阴,比脾之气与液也; 赤帝丙丁火,丙为阳,丁为阴,比心之气与液也; 白帝庚辛金,庚为阳,辛为阴,比肺与液也。凡春夏秋冬之时不同,而心肺肝肾之旺有月。

《真诀》曰:凡春三月肝气旺,肝旺者,以父母真气,随天度运而在肝 , 若遇日, 甲乙克土, 于辰戊丑未之时, 依时起火炼脾气, 徐日兑卦时, 损金 以耗肺气,是时不可下功也,坎卦时,依法起火炼肾气,震卦时入室,多入少 出,息住为上,久闭次之,数至一千息为度,当时内观如法,一在冥心闭目 , 青色自见, 渐渐升身以入泥丸, 自冥至辰, 以满震封。凡夏三月心气旺, 心 旺者,以父母真气,随天魔运而在心,若遇火日,丙丁克金,于兑封时,依法 起火炼肺气,馀日坎封时,损水以耗肾气,是时不可下功也,震卦时,依法起 火炼肝气,离封时入室,依前行持,赤色自见,渐渐升身以入泥丸,月巳至未 ,以满离卦。凡秋三月肺气旺,肺旺者,以父母真气,随天度运而在肺,若遇 金月, 庚辛克木, 于震卦时, 依法起火炼肝气, 徐日离卦时, 损火以耗心气 , 是时不可下功也, 巽卦时, 依法起火炼脾气, 兑卦时入室, 依前行持, 白色 自见,渐渐升身以入泥丸,自申至戊,以满兑封。凡冬三月肾气匪,肾旺者 , 以父母真气, 随天度运而在肾, 若遇水日, 壬癸克火, 于离卦时, 依法起火 炼心气,馀日辰戍丑未时,损土以耗脾气,是时不可下功也,兑卦时,依法起 火炼肺气, 坎封时入室, 依前行持, 黑色自见, 渐渐升身以入泥丸, 自亥至丑 , 以满坎封。

解曰:春炼肝千息青气出,春末十八日,不须依前行持,于定息为法,终日静坐,以养脾而炼己之真气,乃可坎卦起火炼肾,恐耗其真气。夏炼心千息赤气出,夏末十八日,不须依前行持,止于定息为法,终日静坐,养炼如前,乃可震卦时起火如前。秋炼肺千息白气出,秋末十八日,不须依前行持,止于定息为法,终日静坐,养炼如前,乃可巽卦时起火如前。冬炼肾千息黑气出,冬末十八日,不须依前行持,止于定息为法,终日静坐,养炼如前,乃可兑卦时起火如前,以至黄气成光,默观万道,周匝围身。凡定息之法,不在强留而紧闭,但绵绵若存,用之不勤,从有入无,使之自住。采药之法,食津提固以压心,使真气不散。凡入室须闭户,孤幽静馆,远鸡犬女子、一切厌触之物,微开小窍,使明能辨物,勿令风日透气,左右有声。当灰心息虑,事累俱遣,内外凝寂,不以一物介其意。盖以阳神初聚,真气方凝,看如婴儿,尚未及老,日夕焚香,跪拜稽首,一祝天,二祝天仙,三祝地仙,三礼既毕,静坐忘机,以行此法,仍须前法节节见验。若以此便为道,但恐徒劳,终不见成,止于阴魄出壳而为鬼仙。

《道要》曰:凡行此法,不限年月日时,一依前法,以至见验方止。其气自见,须是谨节不倦,弃绝外事,止于室中用意,测其时候。用二个纯阳小子,或结交门生,交翻往复,供过千日,可了一气。一以夺十,一百日见功,五百日气全,可行内观,然后聚阳神以入天神,炼神合道,入圣超凡。炼气之验,但觉身体极畅,常仰升腾,丹光透骨,异香满室,次静中外观,紫霞满目,顶中下视,金光罩体,奇怪证验,不可备纪。

# 内观交换第九

《金诰》曰:大道本无体,寓于气也,其大无外,无物可容;大道本无用,运于物也,其深莫测,无理可究。以体言道,道始有外内之辨;以用言道,道始有观见之基。观乎内而不观乎外,外无不究而内得明矣,观乎神而不观乎形,形无不备而神得见矣。

《真源》曰,以一心观万物,万物不谓之有徐;以万物挠一气,一气不谓之不足。一气归一心,心不可为物之所夺;一心运一气,气不可为法之所役。心源清彻,照万破,亦不知有物也;气战刚强,万感一息,亦不知有法也。物物无物,以还本来之象;法法无法,乃全自得之真。

《比喻》曰:以象生形,因形立名。有名则推其数,有数则得其理。盖高上虚无,无物可喻,所可比者,如人之修炼,节序无差,成就有次,冲和之气,凝而不散,至虚真性,恬淡无为,神合乎道,归于自然。当此之际,以无心为心,如何谓之应物以无物为物,如何谓之用法?真乐熙熙,不知己之有身,渐入无为之道,以入希夷之域,斯为入圣超凡之客。

《真诀》曰:此法合道,有如常说存想之理,又如禅僧入定之时,当择福 地置室, 跪礼焚香, 正坐盘膝, 散发披衣, 握固存神, 冥心闭目, 午时前微微 升身, 起火炼炁, 午时后微微敛身, 聚火炼丹, 不拘昼夜, 神清气合, 自然喜 悦。坐中或闻声莫听, 见境勿认, 物境自散, 若认物境, 转加魔障。魔障不迟 , 急急向前, 以身微敛, 敛而伸腰, 后以胸微幅, 偃不伸腰, 少时前后火起 ,高升其勿动,名曰焚身,火起魔障自散于躯外,阴邪不入于壳中。如此三两 次已,当想遍天地之间,皆是炎炎之火,火毕清凉,了无一物,但见车马歌舞 , 轩盖绣罗, 富贵繁华, 人物欢娱, 成队成行, 五色云升, 如登天界, 及到彼 中,又见楼台耸翠,院字徘徊,珍珠金玉,满地不收,花果池亭,莫知其数 , 须臾异香四起, 妓乐之音, 嘈嘈杂杂, 宾朋满坐, 水陆陈, 且笑且语, 共贺 太平,珍玩之物,互相献受,当此之际;虽然不是阴鬼魔军,亦不得认为好事 。益修真之人,弃绝外事,甘受寂寞,或潜迹江湖之地,或遁身隐僻之隅,绝 念忘情,举动有戒,久受劬劳,而历潇洒,一旦功成法立,遍见如此繁华;又 不谓是明魔,格谓实到天宫,殊不知脱凡胎,在顶中自己天宫之内;因而贪恋 , 认为实境, 不用超脱之法, 止于身中, 阳神不出, 而胎仙不化; 乃曰出昏衢 之上, 为陆地神仙, 仅可长生不死而已, 不能脱质升仙, 而归三岛, 以作仙子 , 到此可惜! 学人自当虑超脱虽难, 不可不行也。

《道要》曰:不无尽法已减省故也。

# 超脱分形第十

《金诰》曰: 道本无也,以有言者,非道也;道本虚也,以实言者,非道也;既为无体,则问应俱不能矣;朗为无象,则视听俱不能矣。以玄微为道;玄微亦不离问答之累;以希夷为道,希宪亦未免视听之累。希夷玄微尚未为道,则道亦不知其所以然也。

《玉书》曰:其来有始,而不知大道之始,何也其去有尽,而不知大道之终;何也?高高之上虽有上,而不知大道之上无有穷也深深之下虽有下,而不知大道之下无有极也。杏杏莫测名曰道,随物所得而列等殊,无为之道,莫能穷究也。

《真诀》曰:超者,超出凡躯而入圣品;脱者,脱去俗胎而为仙子;是神入气胎,气全真性,须是前功节节见验正当,方居清静之室;以入希夷之境,内观认阳神,次起火降魔,焚身聚气,真气升在天宫,壳中清静,了无一物。当择幽居,一依内观,三礼既毕,平身不须高升,正坐不须敛伸,闭目冥心,静极朝元之后,身躯如在空中,神气飘然,难为制御,默然内观,明朗不昧,山川秀丽,楼阁依稀,紫气红光,纷纭为陈,祥鸾彩凤,音语如簧,异景盟华,可谓壶中真趣,而洞天别景,追逐自在,冥然不知有尘世之累,是真空之

际,其气自转,不须用法依时。若见青气出东方,笙簧嘹亮,旌节车马,左右 前后,不知多少,须臾南方赤气出,西方白气出,北方黑气出,中央黄气出 , 五气结聚而为彩云, 乐声嘈杂, 喜气熙熙, 金童玉女, 扶拥自身, 或跨火龙 , 或乘玄鹤, 或路彩鸾, 或骑猛虎, 升腾空中, 自上而下。所过之处, 楼台现 宇,不能尽陈,神抵官吏,不可备说,又到一处,女乐万行,宫撩班列,如人 间帝王之仪,圣贤毕至,当此之时,见之傍若无人,乘驾上升,以至一门,兵 卫严肃,而不可犯,左右前后,官僚女乐,留恋不已,终是过门不得,轩盖覆 面,自上而下,复入旧居之地,如此上,不厌其数,是调神出壳之法也。积日 纯熟,一升而到天宫,一降而还旧处,上下绝无碍滞,乃自下而上,或如登七 级宝塔,或如上三层琼楼,其始也''级而复一级,七级上尽,以至顶中,辄 不得下视,恐神惊而恋躯不出,既至七级之上,则闭目便跳,如寐如脂,身外 有身, 形如婴儿, 肌肤鲜洁, 神采莹然, 回视故躯, 亦不见有, 所见之者, 乃 如粪堆,又如枯木,憎愧万端,辄不可顿弃而远游。益其神出未熟,圣气凝结 而成,须是再入本躯,往来出入,一任遨游,始乎一步二步,次二里三里,积 日纯熟,乃如壮士展臂,可千里万里,而形神壮大,勇气坚固,然后寄凡骸于 名山大州之中,从往来应世之外,不与俗类等伦,或行满而受天书,骖鸾乘凤 , 跨虎骑龙, 自东自西, 以入紫府, 先见太微真君, 次居下岛, 欲升洞天, 当 传道积行于人问, 受天书而升洞天, 以为天仙。凡行此法, 古今少有成者, 益 以功不备而欲行之速,便为此道;或功验未证,止事静坐,欲求超脱;或阴灵 不散,出为鬼仙,人不见形,来往去任,终无所归,止于投胎就舍,而夺人躯 壳,复得为人;或出入不熟,往来无法,一去一来,无由再入本躯,神魂不知 所在, 乃释子之坐化、道流之尸解也。故行此道, 要在前功见验正当仍择地筑 室,以远一切腥秽之物、臭恶之气、往来之声、女子之色,不止于触其真气 , 而神亦厌之。既出而复入, 入而不出, 则形神俱妙, 与天地齐年, 而浩劫不 死; 既入而复出, 出而不入, 如蝉脱蜕, 迁神入圣, 此乃超凡脱俗, 以为真人 仙子,而在风尘之外,寄居三岛十洲者也。

《道要》曰:不无尽法已灭息矣。 右大乘三门,系天仙。